


平定兩金川方畧

卷一
之一

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 5 1937

7 2814/1818



CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 5 1937

YENCHING

平定兩金川方略卷之一

乾隆二十年乙亥六月癸卯

諭內閣曰。開泰著調補四川總督。新任大學士黃廷桂著調任陝甘總督。將川督應辦事務。交明開

泰。卽赴肅州。

已巳。四川總督黃廷桂。提督岳鍾璜奏言。四川打箭爐外。孔撒麻書兩土司。本屬嫡堂叔姪。近

平定兩金川方畧卷之一

哈佛大學漢和
圖書館珍藏印

乾隆二十年乙亥六月癸卯

上諭內閣曰開泰著調補四川總督新任大學士黃

廷桂著調任陝甘總督將川督應辦事務交明開

泰卽赴肅州

己巳四川總督黃廷桂提督岳鍾璜奏言四川

打箭爐外孔撒麻書兩土司本屬嫡堂叔姪近

YENCHING
JAN 2 1931
HARVARD UNIVERSITY
HAYASHI - YENCHING INSTITUTE
CHINESE - JAPANESE LIBRARY OF

以遠年舊事。爭競構釁。其金川及綽斯甲布。係麻書親戚。革布什咱。德爾格忒。上瞻對。中瞻對。係孔撒親戚。互相袒護。發兵助勢。據泰寧協副將張天德稟稱。金川綽斯甲布。各遣頭人。帶兵數千。忽至孔撒嘉齊山。將百姓碉房燒燬。又將革布什咱。丹東官寨。及格羅斯納喇嘛寺。圍住攻打。革布什咱土司。遣人至明正土司處。請兵

助守。明正土司甲爾叅得沁。派兵五百名。前往防禦。革布什咱。復差人赴小金川。鄂克什求援。

臣等思川西一路土司內。惟金川聲勢最大。人更狡悍。而小金川。鄂克什。三雜谷等。均為微弱。打箭爐外西南一帶土司內。惟綽斯甲布人戶最多。而革布什咱。霍爾甘資。布拉克底。巴旺。亦俱弱小。今既經革酋遣人赴小金川。鄂克什。明

正各土司請兵助守。自應聽其遵照前此一家
有事彼此救援之盟。出兵協助。臣等卽令明正
土司多派土兵。前赴革地。幫同防守。并於泰寧
協內酌調二三百名。迅往打箭爐駐劄。以安往
來貿易漢番人之心。並恐明正既出土兵。爐地
不無單弱。又諭木坪土司甲爾叅納木卡。卽撥
土兵五百名。就近赴打箭爐。協同明正土司防

範併令小金川鄂克什梭磨卓克采從噶克各
量已力。發兵應援。一面差派幹弁馳赴各土兵
對壘之處。諭以聽候剖斷。毋得私行攻擊。奏入。

聞。

皇上臣等謹按金川賊番。本以狼貪之性。肆其凶
橫。乾隆十三年。十路大兵進討。霆擊焱馳。勢

如危卵。經畧固請掃巢。而

皇上如天好生。仍本叛討服舍之經。貸其誅磔。未及數年。而輒以援助麻書爲名。侵擾革布什咱地方。其意蓋以革布什咱爲霍爾部中一大土司。設計併吞。則金川橫亘於甲壘霍爾諸部之中。其間如巴旺。布拉克底等。豈能不受彈其箝制。從此各土司。皆可恣其吞噬。賊酋等

垂涎已久。故此次曉諭解散後。旋復於二十三年。攻圍吉地。馴至三十六年。則乘小金川攻鄂克什之時。遂戕革布什咱土司。攘其室而據其地。向非我

皇上赫怒興師。勦絕其命。則金川搏擊跳梁。何所不至。必且勢等燎原。恣行蠶食矣。

七月己亥。黃廷桂奏言。竊臣前差標弁。往赴綽

斯甲布。面見其酋工噶諾爾布。再四曉諭。該酋
隨將圍困革布什咱格羅寺土兵撤去。惟攻擊
丹東之兵。尙在未回。第金川及綽斯甲布番人。
爲德爾格式所傷亦衆。其勢漸已就衰。旋據工
噶諾爾布。遣其頭人阿結。赴省求見。稟稱土司
因革布什咱與德爾格式。俱係孔撒親戚。合兵
侵擾麻書。且格羅寺地方。爲綽斯甲布往打箭

爐貿易之地。從前革布什咱。縱人搶奪。併需上
稅。抑勒不堪。是以發兵攻擊。惟求從公剖斷。不

敢不遵。

臣

與岳鍾璜。諭以爾係

回語合掌

天朝受印土司。宜知王法。卽有不平。惟當靜俟審斷。
今擅自發兵。已爲有罪。本督等仰體

皇上愛養番人之意。是以遣官往諭。不卽興兵誅勦。
爾土司已撤格羅之兵。且來具稟。似屬尚知悔

闕奏入。

諭曰覽奏俱悉。祇可如此辦理。

臣

等謹按金川肆行跋扈。怙惡不悛。巧命未

幾。又復侵害革布什咱。此真黃廷桂等所云。

冥頑倔强。妄肆鴟張者。是卽發兵征討。實所

應得。乃恭奉

諭旨。猶以蠻觸相爭。派員排解。只可如此辦理。仰見

皇上深戒佳兵。務期息事寧人。以綏絕徼。直至逆酋

負固跳梁。實爲各土司大患。然後除暴取殘。

俾絕域共安食息。

大聖人兵以義動。出於萬不得已。蓋天下皆可共信

大朝出也。

十月丁巳。黃廷桂開泰。岳鍾璜奏言。金川。綽斯

甲布。德爾格忒。三處土兵於八月十四五日。各

回本處。至麻書土司登波瓦布。年僅十二。奔逃之餘。不肯遽出。臣等委令懷遠營都司宋元俊出口。差弁至下瞻對綽沃地方。始行尋見。惟德爾格式頭人帶兵將麻書官寨佔住。又於九月初九日。差弁前抵麻書。將德爾格式土兵驅令出境。遂將麻書土司安置官寨。查德爾格式乃甘資以下最大土司。附近青海。接連革地部落。

繁多巢穴險遠。自雍正元年投誠。父子弟兄承襲三世。歷來效順。臣等選派弁員晏勳王吉等馳往德爾格式。先賞予大緞綢綾等物。以安其意。繼以麻書乃受印土司。如其有罪。

天朝自當誅戮。豈容各土司擅冀并吞。自應仍安本地。其掠去麻書百姓。亦應逐一交出。聽候官斷。以破其迷。該土司魯珠布甲木錯。遂領頭人於

九月二十三日親赴甘資求見。宋元俊傳集孔撒麻書并金川綽斯甲布革布什咱綽沃白立章谷瞻對各頭人將孔撒麻書爭控原案。從公分斷均無異辭。復使宰牛瀝血頂經立誓共敦和好。永無殘害。其麻書百姓逃在甘資投在孔撒及被德爾格忒掠去者均各送還。共計三千九百餘名。量加撫卹。交付麻書土司管束。其孔

撒被兵逃難之民共一千三百餘名口亦併招回。仍歸孔撒土司撫卹安插。至此次起釁之由。因有孔撒喇嘛徹木本投入麻書藏匿。致啓兵端。飭令拘解省城收禁。永杜亂源。又以麻書土司年幼。酌派弁兵十餘名以資保護。又革布什咱格羅寺既係金川綽斯甲布赴打箭爐貿易之路。亦派把總一員帶兵往駐。以資彈壓。臣等

訪知魯珠布甲木錯本係喇嘛。其兄策楞袞布。又屬達賴喇嘛妹夫。臣等將定案原委。札致駐藏副都統薩拉善舒泰。轉告達賴喇嘛。令其發信。勸導德爾格式土司。嗣後務使孔撒與麻書。常相和睦。不得教唆生事。自玷清規。致與達賴喇嘛顏面有關。將來書信一至。德爾格式土司。自必益爲妥帖。至金川郎卡。差大頭人策楞促

勒池木到省。

臣

等責其首先動兵之非。及被德

爾格式擊敗逃回。轉致麻書受害。卽爾等攻圍革布什咱。至於數月。徒見損傷。初無絲毫獲利。

今麻書土地民人。仍賴

天朝安插。不惟現在復還所有。并可長享太平。可見天朝撫馭土司。扶弱抑強。必無偏向。嗣後爾等。惟當各守疆界。一心住牧。勿再生事取災。該頭人領

聽之下。叩頭伏罪。稟稱此次我等實在感激。回
去將曉諭之言告知郎卡。自必實心遵奉。其革
布什咱土司色楞敦多布。因_臣等傳令各土司
派兵應援。又檄撤金川綽斯甲布攻圍之兵。差
其頭人信濟爾結來省叩謝。_臣等諭其告知土
司嚴守卡隘。勸令孔撒務與麻書和睦。各安生
業。如再教唆生事。必致自貽伊戚。該頭人亦叩

頭領諭而去。此案夷務全經完妥。_臣黃廷桂卽
于十月初九日馳驛赴京。奏入報。_臣等
聞。

乾隆二十三年戊寅。四月乙丑。開泰岳鍾璜奏
言。金川革布什咱。比因結親構釁。而革布什咱
番衆潛附金川。致將土司色楞敦多布。及小金
川土司之子僧格桑。並土兵三百餘人。趕入吉

地官寨圍攻。臣等譯寫番諭。飛飭金川。令將番兵速撤。毋得擅自攻擊。復令副將陸天德。前往打箭爐。駐劄彈壓。一面派署遊擊楊青。都司夏尙寅。守備王智。酌帶土兵。分往章谷。泰寧等處。相機排解。一面諭令鄂克什。雜谷各土司。派兵分助小金川防範。又分兵赴革布什咱救援。又委候補守備溫欽。把總袁國璉。前往綽斯甲布。

駕馭該土司出兵攻擊。使金川不能專力於革布什咱。然後可以徐爲剖斷。嗣據川西川南文武各員稟報。金川所困吉地。攻打甚急。意在必破。革布什咱。革地番民。十有七八。多爲金川脅誘。並據金川郎卡稟覆。總以向小金川報仇爲詞。不肯卽退。臣等查色楞敦多布。係受印土司。而僧格桑。係小金川土司之子。自不可聽其殘

害。倘落于金川之手。諸難辦理。嗣據溫欽等稟稱。前抵綽斯甲布。據該土司工噶諾爾布稟稱。金川欺我實多。我已派土兵一千五百名。前往革布什咱之格嘉塔地方。截斷金川歸路。如遇有金川之兵。自當出力打仗。又據楊青具稟。已將革布什咱格藏一帶番民招撫。又據夏尙寅等具稟。小金川土兵一千名。已由革布什咱沙

中進發。沙中等處番民業俱收服。金川聞信。退至丹東。焚燒官寨。將色楞敦多布之母。及其祖母。並其叔庸中旺嘉勒。帶同遁去。吉地之圍已解。等語。臣等思金川土兵之退。蓋由小金川土兵突至。而格藏沙中等處番民棄邪歸正。且聞各土司皆幫兵助戰。是以倉皇遁走。然受創未深。而革布什咱地方大半殘損。且僧格桑出圍。

之後。卽率土兵回去。恐色楞敦多布勢難孤立。正在諭令該管文武各員。轉諭該土司。修整卡隘。加意招集番民。以資防守。旋據副將陸天德及楊青等飛稟。三月初十日。金川暗同布拉克底。及庸中旺嘉勒。復帶兵二三千。四路圍攻丹東吉地。色楞敦多布以獨力難支。遂于十一日。先經移住沙中。十五日。又以沙中番民單弱。同

妻小金川之女阿什諾。奔赴泰寧。懇求安插。其

革布什咱之地。仍爲金川佔踞。臣等伏思庸中

旺嘉勒爲人。原與色楞敦多布。平時不合。是以

依附金川。倒戈相向。而革布什咱番衆。復因素

怨阿什諾。致爲金川所誘。今色楞敦多布。已不

能保其故土。革布什咱地方。密邇明正。自應急

爲籌辦。臣等飭令文武各員。分諭革布什咱土

司親戚。及曾同盟誓之各土司。量力幫助色楞
敦多布。一面調發雜谷土練五百名。同梭磨等
土兵。往駐丹壩。又調土練五百名。同明正。木坪
等土兵。往駐章谷泰寧。以壯聲勢。併調黎雅峩
邊各協營。共馬步兵二百名。齊赴打箭爐。駐劄
彈壓。又以革布什咱番衆。雖被金川誘附。其中
如有可以招撫者。設法撫馭。勿致終爲金川所

非用。一面嚴諭郎卡。曉以利害。速將番兵撤退。倘

擬該酋等藉詞支飾。竟欲併吞。非言語所能化誨。

事必須另爲籌計。容_臣等再行奏_等限_臣再_臣聞_臣

聞。酌量辦理。奏入。不廷_臣于_臣是_臣果_臣對_臣會_臣之意_臣

上諭軍機大臣曰。向來番苗自相攻擊。原可不必繩
以內地官法。此次金川與革布什咱興兵構怨。原
不過因結親起釁。情形本與蠻觸無殊。惟所奏分

撥土練彈壓打箭爐等處一節未甚明晰。該地係通藏之道。如止巢穴中自相劫掠。於打箭爐有何干涉。但開泰岳鍾璜素非好事之人。其所陳奏慮其偏于息事。斷不致過于張皇。果使該酋之意不專在革布什咱。將爲邊圉滋擾。伊等別有訪聞踪跡。必須徹底辦理。據實速奏。候朕另行降旨。然此非可以專恃川省綠營弁兵。及畧派土練便可濟

事也。再綽斯甲布現與小金川鄂克什諸土司聯絡。兵力不爲單弱。或諭知該土司果能自出其力。懲創金川。則所得地方人衆。不妨量賞伊等。以示鼓勵。以番攻番之策亦屬可行。若事在必不可止。則該督等轉當以無事處之。一切不露。而密籌二三千兵數月之糧。一面奏聞請旨。朕自相機酌辦。若就現在委員曉諭約束。便可寧輯。則又不必多

此特番布置。員額備錄。東野百寧。陣限。及不必。參
三千^臣等謹按僧格桑在革布什咱。猝被金川圍
困。正如腐鼠孤豚。亡在旦夕。幸得^臣密籌
天朝檄令各土司發兵救應。并派內地之兵。遙爲聲
援。金川惶懼。始撤吉地之圍。遁回巢穴。乃僧
格桑既歸故地。不思存活之恩。力圖効順。而
轉潛與金川蛇蟠蟻結。反噬鄂克什土司。駸

革駸及於明正。此實爲天理所不容。所以

王師深入。巢穴旋傾。雖思駸走偷生。而卒爲金川毒

媒死。函首藁街。所謂自作孽不可活者。此之謂

文也。回執五國五鼓。大將效。交。融。總。思。入。口。因

五月丙戌。開泰岳鍾璜奏言。據駐劄章谷泰寧

各委員稟報。革布什咱地方。除沙中一處外。其

餘皆爲金川所據。布拉克底土舍德租。從中附

和。遂將吉地。丹東官寨。及格藏等處。卡隘。分兵把守。勢甚鴟張。並揚言欲攻巴旺。及小金川。又郎卡曾遣頭人番民二十餘名。赴打箭爐投遞文書。回時在明正地方。縱放夾壩。殺傷人口。因被明正土司拿獲拘禁。郎卡挾嫌。欲與尋釁。又土司莎羅奔郎卡。屢次向地方官具稟。以伊女先嫁革布什咱。革地應該伊女掌管。意圖吞佔。臣等

思革布什咱。界連明正土司。若爲金川久據。則不惟巴旺及小金川。勢頗危迫。卽明正亦須時加防範。殊爲阻礙。番性頑劣。旣非言語所能速化。而伊等互鬪之事。又未便遽用內地兵力。臣等詳細籌計。惟有駕馭各土司。令其以番攻番。並招撫誘附金川之革布什咱番衆。仍復歸心舊主。庶幾易於就緒。因卽指示各委員。設法籌

辦。茲據叅將本進忠等稟報革番頗齊格戎原屬先經招撫。茲令密赴革地招引番衆。已有巴拉格藏達卜桑裕卜桑各處頭人願爲內應。適明正所屬之章谷土千戶安慶因恨金川揚言尋釁情願進攻。於三月十七日率其土兵五百餘名會同頗齊格戎前往。十八日巴旺土司發兵三百五十名將格藏裕卜桑攻奪。已與章谷

土兵會合。又安慶所招之革布什咱番衆合同章谷土兵攻開卡隘四處。金川布拉克底之兵均經奔竄。又據溫欽等稟綽斯甲布派兵直赴革巢奮力攻擊。金川番兵焚燒吉地官寨退走。等語。臣等查章谷及綽斯甲布兩處土兵殺傷金川二百餘人。擒獲數十人。革布什咱之地全行收復。第聞金川番衆尚在布拉克底。不無窺

伺。而革布什咱。兩經侵擾。已多殘破。該處實爲
明正及打箭爐藩籬。若不爲之及時料理。色楞
敦多布。力弱無能。終難固其巢穴。臣等令綽斯
甲布。士兵量留數百。與明正士兵。分布革地。以
資防範。並派幹員。帶領色楞敦多布歸巢。撫集
番衆。所有要緊卡隘。速爲修整。俟堵禦有資。再
將綽斯甲布等士兵。逐漸減撤。至綽斯甲布及

小金川。已與金川仇怨甚深。聞欲互相約會。盡

文力攻打金川。臣等飭令委員妥爲辦理。如可從

舉。此結局。毋令滋釁不已。至布拉克底土舍德租。

五不安住牧。旣經附和。金川侵擾革布什咱。且欲

借仗金川之力。吞併伊本家巴旺土司。若不設

法剪除。將來革布什咱巴旺。仍屬可虞。臣等已

諭各委員密察情形。遇有可乘之機。或以力擒。

或令鄰近土司擊取。務期夷疆寧謐。倘一時不能應手。卽暫爲安頓。別作緩圖。奏入。上諭軍機大臣曰。金川所踞革布什咱官寨。旣經明正綽斯甲布等土司全行奪回。可見番蠻挾仇攻擊之事。原所時有。殊不必以內地官法繩之。該處文武果能曉諭約束。可以寧輯。固屬甚善。否則惟有以番攻番之一策。惟須靜鎮以處之耳。金川原

屬不安分之土司。若衆土司等能協力除之。而分其地於番境。轉可久遠相安。正不必以滋釁不已爲慮。第此等機宜。自不便於明諭。宜密飭文武各員。微示其意於衆土司。俾其所從事。至於布拉克底土舍德租。不安住牧。竟敢附和。金川其情甚爲可惡。必應示以懲創。該督提等或以計擒。或令鄰近土司攻取。亦可以酌量辦理。著一併傳諭知

之。或土司文來亦何以酒量擬野蕃一物。則備味
為乾隆二十四年己卯四月乙酉開泰奏言。金川
與革布什咱構釁以來。綽斯甲布。小金川。丹壩
等土司。俱各出兵攻擊。金川屢受挫衄。冬間因
山巒雪大。仍在相持。未經對敵。今據章谷委員
稟報。金川土司。差其頭人額斯恭投稟。臣詳譯
稟內言詞。郎卡雖有畏懼乞憐之意。但番情狡

詐。難以遽信。且綽斯甲布。小金川。丹壩各土司。
與之結怨已深。未便卽為和解。臣與提臣岳鍾
璜。公同酌議。現在姑為駕馭。俟山雪漸融。再為
專相機辦理。奏入。

上諭軍機大臣曰。各土司互相攻擊。業令該督等相
機辦理。不必繩以內地官法。看來革布什咱等與
金川相持不下。不過欲眾分金川之地。郎卡盤踞

金川終非善策。如果能協力瓜分。正可聽其自然。所謂以番攻番之一策也。摺內所稱郎卡頗有畏懼乞憐之態。向來番情狡黠。萬不可以憑信。轉致事端。卽山雪消融之後。其如何往彼察看。再行辦理之處。亦無容稍涉張皇。惟在該督提等。察訪該管文武。得其實情。相機辦理。一切行所無事。以靜鎮處之。再各土司文書。大概係用唐古特之字。該

處繙譯。恐不能盡其詳細。一併傳諭該督等。嗣後接到各土司文書。除一面辦理外。卽將原文進呈。卽此次該土司文書。如尚未發還。卽速馳奏。則彼地情形。自無不洞悉矣。

臣等伏查甲壘。霍爾諸部。咸奉喇嘛之教。是以前來文稟。多用唐古特書。第川省督提衙門。雖皆設有譯字房。而綠營書識。大率不通。

金川文義。且於繙譯更屬粗疎。卽有狡獪番情。何
所謂從體察。自奉之。用惠古。部書業川。省督對。商
諭旨。令將原文進呈。重加音譯。然後其間細微。悉折。
坐照如神之下。因此指示機宜。更無不洞中窺要。而
對軍營得遵循辦理。用能克著掃犁。其所裨于
邊情軍務。蓋非淺鮮也。

閏六月己卯。開泰岳鍾璜奏言。梭磨卓克采。從
噶克丹壩。皆係雜谷分派。梭磨土舍。前於雍正
七年。授爲副長官司。乾隆四年。加授安撫司。卓
克采土舍。於乾隆十四年。授爲長官司。嗣將雜
谷改土歸流。另於從噶克。設立土司一員。授爲
長官司。與梭磨卓克采及丹壩土舍。分管地方
番衆。臣等伏查丹壩土舍策旺。恭順出力。凡於

地方文武所行事件。俱能小心遵奉。且於金川
接壤地方。率同梭磨等處土兵。實意進攻。甚爲
出力。查梭磨。卓克采。從噶克。三土司。乃維州一
帶藩籬。丹壩地在西南。又爲三土司門戶。由丹
壩再向西南數十里。則係綽斯甲布。金川交界。
該處界連數土司。策旺以一土舍介乎其間。未
免有不能自固之見。且該土舍恒慮年歲已老。

身係土舍。並無職銜。子孫未必能世守。而梭磨
卓克采。從噶克。三土司。亦以丹壩未有印信。恐
其心志不堅。臣等仰懇

聖恩。俯念該土司向化有年。賞授長官司。頒給印信
號紙。俾得子孫世守。則策旺感戴

皇仁。自必倍加恭順。卽梭磨等土司。本係一家。勢同
唇齒。亦必共爲悅服。奏入得

旨。勅部議奏。兵部奏覆。應如該督提等所請。

生從之。必部以恭則唱。蘇魯等土匠本約一案。獎同

親。蘇魯等土匠。領策。現。蘇魯等土匠。領策。現。蘇魯等土匠。領策。現。

聖恩。勅念。蘇魯等土匠。領策。現。蘇魯等土匠。領策。現。蘇魯等土匠。領策。現。

其心志不望。蘇魯等土匠。領策。現。蘇魯等土匠。領策。現。蘇魯等土匠。領策。現。

阜京。宋。蘇魯等土匠。領策。現。蘇魯等土匠。領策。現。蘇魯等土匠。領策。現。

良。蘇魯等土匠。領策。現。蘇魯等土匠。領策。現。蘇魯等土匠。領策。現。

平定兩金川方畧卷之二。曹。蘇魯等土匠。領策。現。蘇魯等土匠。領策。現。蘇魯等土匠。領策。現。

乾隆二十五年庚辰七月癸丑開泰岳鍾璜奏

言。金川土司莎羅奔原以喇嘛承襲土職。其地

方一切事務。係姪郎卡管理。節據副將保懷智

同知崔鑰報稱。莎羅奔於本年五月十一日病

故。查金川與革布什咱構衅以來。如綽斯甲布

小金川丹壩巴旺各路土司卡隘。曾派土兵逐

處堵截。迄今一載有餘。金川未敢稍爲闖出。向
各土司多事。臣等漸次將各路土兵已減撤一
半。餘俟查看情形。另爲酌辦。再巴旺土舍德租。
向來駐劄布拉克底。聘娶金川之女爲妻。名爲
結親。實爲金川籍制。該土舍亦已患病身故。其
所娶金川之女。生有一子。甫經數月。所有土舍
事務。係德租之兄安多爾暫爲管理。臣等飭諭

該管文武各員。察訪安多爾是否仍與金川勾
結。隨時具報。並令轉飭巴旺土司等。仍將各卡
隘。加意防範。毋稍疎懈。奏入報。

聞。

乾隆二十六年辛巳四月癸酉。開泰岳鍾璜奏
言。臣等細核金川番民。本爲有限。茲各土司四
面圍攻。男丁輪防。礮卡婦女背運口糧。迄無休

息。上年莎羅奔又已病死。郎卡自知力弱勢孤。稟懇遣人前往。當面稟話。臣等飭差把總陳起龍。抵其巢穴。該處番民俱焚香迎接。據郎卡前後稟稱。大率以伊本

天朝土司。惟與衆土司不和。衆土司因將不法之事。向內地父母官前控告。如今止求作主剖斷。伊惟恪遵分付。絲毫不敢多事等語。臣等思金川

與革布什咱構釁。本不過穴中互鬪。惟因金川狡黠性成。恐其得寸思尺。是以不可不加懲創。今各土司圍堵兩載有餘。郎卡既不獲逞。其吞併之謀。而且數經挫衄。稟求剖斷。若仍令各土司駐兵攻守。既不能尅日奏功。轉恐日久生懈。詳悉熟商。復委諳練員弁。前赴綽斯甲布丹壩。金川一帶。會同各土司所遣大頭人。宣揚

恩德切指郎卡罪惡明白剖斷。將金川在丹壩界上所修礮卡押令逐一拆毀。侵佔丹壩山地全數退還。并差弁員前赴布拉克底。令將金川所助番兵悉回巢穴。然後傳知各土司將各處土兵及土練次第撤收。惟是革布什咱兩被金川蹂躪殘破良多。而巴旺毗連布拉克底人少力單。尚須彈壓。仍留弁兵十餘名在革布什咱巴旺。

中間章谷地方駐扎。以爲聲援。昨綽斯甲布丹壩革布什咱巴旺小金川鄂克什梭磨卓克采從噶克九土司以土兵均撤。陸續遣人赴省請安。臣等諭以郎卡爲人狡詭。斷不可信。乃爾土司頭人等所共悉。目下雖已竣事。仍當時刻留心。不可墮其詭計。最後郎卡亦遣人來。臣等嚴行教誡。諭以

天朝之於土司。正如雨露之於草木。本無二致。自己
向順。卽享安全。自己作孽。卽受災禍。惟郎卡自
擇之。頭人又稱。上年莎羅奔已死。郎卡懇求換
給篆文印信。臣等復諭以郎卡只見有罪。未見
有功。卽使分當承襲。亦應照例取具各土司印
結。由地方官詳報請。臣等復諭以熬茶
題。方能換給印信。頭人又稱。郎卡因莎羅奔之死。

欲遣人赴藏熬茶。求給路票。臣等復諭以熬茶

本係善事。郎卡應遣大頭人虔誠預備。將隨去
人數若干。報知該管地方官。轉稟核辦。該頭人
俱敬聽領諾而去。至前此所需犒賞。臣等會同

奏請。將總督及布政使養廉。各借支半年。於邛
雅文灌等州縣。購買餘茶。酌量行銷。所獲茶價。
除歸還借支之數。餘息銀兩。作爲賞需。今除已

大朝經動支。及扣還借支外。尙餘六七千兩。發交打箭爐及雜谷兩處。各二千兩。購買穀麥青稞。貯倉備用。餘銀仍存藩庫。以爲夷務之需。奏入報聞。

臣等謹按。郎卡旣以各土司攻圍。浹歲畏罪。本懼誅。自當先遣大頭人。赴地方官衙門。輸誠哀籲。乃敢請遣人前往。當面稟話。已露驕縱。

合之狀。而開泰等不加斥責。卽令弁員。往赴其地。此等微末員弁。宣示諸番。旣不能詞嚴義正。而郎卡狡猾異常。從此窺見封疆大吏。早存苟且完事之心。豈能震懾威稜。永遠不侵。不叛。邇年大兵進討。屢次

勅令軍營將士。毋得稍通言語。示之不測。蓋知番人情性。狎之則玩。絕之則懼。深得夫懾魄攻心。

之術。是以賊人之狡詐無所施。而大兵之聲

陳命軍威愈以震也。

丙申。開泰岳鍾璜奏言。乾隆十二年。有金川土

舍旺嘉勒。係郎卡同父異母之弟。首先投誠。十

四年。補授裏塘額外副土司。其後漸與該處正

副土司不睦。臣等乘其有欲赴打箭爐之語。卽

令在爐城居住。時金川已與革布什咱構釁。臣

等復以打箭爐逼近革布什咱。聲息易通。遂令

押赴泰寧協駐劄之化林坪。交副將等收管。該

番自抵化林坪。小心慎畏。甚屬守分。本年二月。

赴省來見。臣等思金川革布什咱夷務。現已告

竣。若將該番遣回裏塘。該處既有正副土司。轉

成贅設。日久亦不無掣肘。而裏塘遠隔邊外。照

料難周。臣等會同商酌。請將旺嘉勒。卽安插化

林坪。仍將裏塘每年應得額外土司養廉。照數撥給。在旺嘉勒隨營居住。既得俯仰寬然。而與該副將同在一處。自不難於照料。且使各番知歸順者獲享安全。更爲有益。至布拉克底土舍德租已死。其兄安多爾接管地方。聞金川卽將原配德租之女塔朗改配安多爾。未幾塔朗病故。金川復將原配革布什咱土司之女納木磋。

上諭改配爲妻。據該管文武訪知安多爾舊有足疾。現在加甚。雖兩娶金川之女。皆勉強而後從。實爲非所願。屬下番民尤不樂與金川聯絡。臣等仍等諭該處員弁隨時體察。不得以夷務已竣遂爲忽視。奏入。報。對。革。亦。林。即。而。韓。濶。用。亦。心。金。川。

聞。卽。該。副。將。本。營。駐。紮。金。川。土。司。素。稱。誠。實。自。諒。劉。因。乾隆二十七年壬午二月乙亥開泰岳鍾璜奏

言各處土司承襲例應取具鄰封土司悅服甘結隨本送部惟是金川土司素稱獷悍自乾隆二十三年侵擾革布什咱而綽斯甲布小金川疊次出兵助勦久已不與往來若因其襲封之故照例行取鄰封甘結轉多未便臣等斟酌辦理現今該管文武將郎卡請襲一案毋庸行取甘結奏入

上諭軍機大臣曰開泰等奏金川襲封土司無庸取具鄰封土司甘結意在直捷簡便所見亦是然不爲郎卡等明白宣諭恐郎卡不知懷畏轉疑開泰等有意遷就一似徇其所請竟不待各處甘結者然或致潛生驕縱殊非控馭之道著開泰岳鍾璜卽行曉諭郎卡等謂鄰近土司與爾素有嫌隙若因承襲之事照例取結伊等定不樂從今據爾懇

奪回。賊人退據山梁。各處土兵陸續漸集等語。
臣等思丹壩新設土司。地僅彈丸。本非金川敵
手。但現在既有土練。又有各處土兵。郎卡必不
能得志。臣等嚴檄詰責郎卡。復委守備溫欽。干
總袁國璉。馳往查辦。如該酋遵奉檄責。即將丹
壩山梁退還。則查明滋釁緣由。尚可酌量剖斷。
儻該酋支吾觀望。意圖吞併。或添派土兵。或再

其派土練設法辦理。奏入

上諭軍機大臣曰。開泰等奏郎卡滋擾丹壩。現飭守
備溫欽等。詰責查辦一摺。未免先事預設。調停之
見。於辦理機宜。未能領會。該督等前於乾隆二十
三年。奏金川與革布什咱。有結親構釁之事。明正
綽斯甲布。兩路進攻。屢經傳諭。不必懲以官法。惟
有以蠻攻蠻之一策。或令綽斯甲布。小金川分據

其地而被時開泰岳鍾璜不能體悉朕旨未免意
存姑息。但取解紛了事。以致養成驕縱。此時郎卡
初爲土司。卽已垂涎丹壩。其明驗也。殊不知此等
狼子野心。卽使目前詰責認罪。又安能保其永遠
受約安靜乎。土司內如革布什咱丹壩等類。其力
之強弱雖殊。然皆可借此以爲郎卡之敵。如果因
其挾仇攻擊。竟將郎卡勦滅。豈非策之最善者。著

傳諭開泰等。斷不可有先事部署。官兵協力攸助
之計。致涉張皇。所有鄰近土兵旣集。或卽協力勦
除。分有其地。正可聽其各自爲計。番境轉可相安。
倘各土司不能併力勦除。而郎卡仍怙惡不悛。有
必須另行辦理者。則亦非該督提等以川省綠營
官兵所能任其事。開泰等臨時據實奏聞。候朕酌
辦。此時只須靜以聽之。不可調派紛紜。徒擾番人

觀聽也。

臣等謹按滿洲勁旅。忠勇兼著。而吉林索倫

之兵。并能登高越險。所向無前。進討兩金川。

實非旗兵不能得力。恭讀屢降

諭旨。以未可專恃川省綠營。所能任其事。厥後掃蕩

逆巢。俘擒雜種。多係旗兵之力。克戴大勲。仰

見

聖天子燭炳幾先。雖數千里外。十數年後。無不洞如

觀火云。

乾隆二十八年癸未。二月庚申。開泰岳鍾璜奏

言。前據綽斯甲布。革布什咱。均欲攻打金川。懇

求幫助。業經臣等檄諭獎勉。以示鼓勵。嗣據丹

壩。小金川。巴旺。梭磨。卓克采。從噶克。各土司。均

請助剿金川。並遣頭人到省。臣等傳見該頭人

等諭以汝等土司。因郎卡肆行不法。意欲出兵助剿。爲汝等各土境。永遠除害。實當如此辦理。汝等土司。惟在同心合力。認真攻擊。天朝自當從厚加恩。各土司不論誰家。苟能攻得地方。搶獲人口物件。卽行賞給。如或將來。別須協助之處。亦必隨時酌助。當遣該頭人等。各自回巢去訖。現在丹壩地方。有綽斯甲布。革布什咱。

等各土兵及土練。協同堵禦。金川自知爲衆所惡。將所據丹壩山梁。連築石碉十餘座。且於各土司交界處所。嚴爲防守。第查綽斯甲布。革布什咱。及小金川。巴旺。丹壩。雖均與金川爲仇。內惟綽斯甲布。實爲金川勁敵。臣等密諭委員。令其駕馭綽斯甲布。一俟雪山消融。彼此會商。相機勦擊。能攻則進。否則俟其少懈。遣放夾壩。使

金川不獲寧居。並諭凡通金川之路。毋令番人私行貿易鹽茶等物。查金川所恃以跳梁。惟在地形險阻。其實不過彈丸。卽其可用番民。亦止在五千上下。如以各土司之力。與之展轉角觸。雖其間強弱不齊。未必尅期深入。然使四面堵禦。無路可通。且須不時備敵。勢必久而自困。並將各土司隨時犒賞。以資鼓勵。查乾隆二十三

年。臣等奏請購買餘茶。卽以所獲利息。爲夷務之需。今餘銀尚存司庫。仰懇賞給應用。奏入。報

聞。

六月。戊戌。

上諭內閣曰。開泰庸懦無能。種種謬誤。深負簡任。著革職。賞給頭等侍衛。前往伊犁辦事。四川總督著鄂弼補授。是月。壬寅。又

諭內閣曰。鄂弼現在病故。四川總督員缺。著阿爾泰補授。

土備七月壬午。開泰岳鍾璜奏言。郎卡侵擾丹壩。綽斯甲布等九土司。稟請攻勦金川。臣等查九土司內。綽斯甲布。革布什咱。小金川。巴旺。丹壩。俱與郎卡挾有嫌仇。至梭磨。卓克采。從噶克。鄂克什。相距金川較遠。別無仇隙。誠恐諸酋心力不

齊。臣等疊次委員。數加飭諭。各酋俱遣頭人。赴

綽斯甲布處會議。九土司中。與金川聯界者。各派土兵。卽從本處進攻。其與金川隔遠者。出兵分助。期於五月二十九日。同時並舉。并求官兵應援。懇賞鹽菜口糧火藥鉛彈。臣等諭以郎卡

並非敢於干犯內地。汝等欲爲丹壩報仇。并除將來貽患。乃汝等自爲之事。何得擅請官兵。至

鹽菜口糧等項。本俱不應賞給。但念汝等素常
恭順。且此舉亦屬鋤強之意。除官兵并鹽菜銀
兩不准外。如或口糧火藥鉛彈不足。尚可量爲
酌賞。至土司內有能攻取地方。已許卽行分管。
實於汝等有益。務須實心合力爲之。不可曠時
觀望。旋據該管文武報稱。綽斯甲布分兵三路。
小金川分兵三路。均於是日進攻。金川於小金

川。綽斯甲布所攻之地。防守綦嚴。連次對敵。各
有所傷。未能得地。至丹壩一路。郎卡佔據山梁。
欺其人少。且又難於仰攻。防守稍懈。丹壩因與
梭磨卓克采從噶克土兵繞出作固頂。普籠籠
二處之後。分兵攻襲。將金川擊敗。遂據其地。並
奪取凱立葉山梁石卡。均有所獲。又據南路稟
報。布拉克底地方。俱有金川番人代爲防守。茲

於六月十七日。革布什咱土兵。攻破瓊山下洛爾察地方。巴旺土兵。於扎科搶得牛隻。殺傷布拉克底探哨之兵。兩土司正在添兵合進。臣等查布拉克底。逼近金川。互相唇齒。今攻布拉克底。卽無異於攻金川。現在設詞鼓勵。俾各土司互爲聲援。伺隙攻取。奏入。

上諭軍機大臣曰。開泰等奏九土司攻打金川。所辦

尚未得窺要。開泰向於郎卡遣人赴省時。每許進見。常加慰撫。而陰縱綽斯甲布等攻擊。在郎卡素性狡黠。此等行爲。豈能掩其耳目。甚非天朝開示誠信。駕馭番夷之道。郎卡旣於綽斯甲布等。屢肆欺凌。衆土司合力報復。原不爲過。督臣旣聞其事。惟應明白宣示。綽斯甲布等。以郎卡旣得罪於衆。土司爾等悉銳往攻。倘能勦滅其巢。亦免爾等後

患。但不必官爲援應。而於郎卡來人。嚴爲拒絕。且切諭以爾旣結怨鄰境。誰肯甘心爲爾蠶食。必將聯集各寨。奮力復仇。此亦爾所自取。我等斷不肯曲爲庇護。如此。則郎卡旣不敢恃以逞強。而綽斯甲布等。亦可洩其積忿。於事理方爲兩得。乃開泰旣用譎以籠絡郎卡。復隱爲援助各土司。殊失控制大體。阿爾泰嗣後。一切當以光明正大。經理得

宜。毋事調停遷就。致蹈開泰故習。并將此傳諭岳鍾璜知之。

九月癸亥。阿爾泰岳鍾璜奏言。臣阿爾泰抵任

後。據西路各員稟稱。綽斯甲布土司於七月十六日。派令駐劄穆克土舍。帶兵潛赴金川地方。金川不及隄防。綽斯甲布土兵搭梯上頂。餘各旁列夾攻。殺死金川數人。二十日。金川番人一

百十餘名潛至綽斯甲布俄坡嘉覺地方。寨內男婦放鎗用石奮力擊追。又被駐守俄坡土兵截殺。共殲斃四五人。又小金川土司於七月二十三日探得金川納庸木城防守稍疎。派兵進攻。金川堵禦不及。棄城遁逃。被小金川趕殺。割取耳記二件。又七月二十七日鄂克什土兵隨小金川進攻金川功噶爾拉。途遇金川放哨番

人。擊斃六人。割取耳記一件。並據委員等稱。即卡於各處添修礮卡。防守甚嚴。各土司亦添礮築卡。以爲防範。偵探有隙可乘。卽爲攻襲。奏入報。

聞。

十月己丑。阿爾泰岳鍾璜奏言。自本年五月二十九日。各土司會攻金川。分路進剿。各土司有

得勝回寨者。亦有互相殺傷者。核計搶殺金川
人數。以及焚毀碉卡。郎卡殊爲受創。其南路巴
旺。於七月二十三。四。五。六等日。發兵攻打布拉
克底碉卡木城。勦殺二十餘人。又金川於七月
二十六日夜間。有二三百人。將綽斯甲布榮薩
碉卡圍困。放火焚碉。碉內土兵。放鎗擊拒。綽斯
甲布土司。復經撥兵救援。殺死金川番人十二

名。又八月十四。十六。十九等日。綽酋撥兵攻擊
金川巴札古一帶。燒燬寨房一所。殺死番人八
名。傷者甚衆。二十一日。綽斯甲布土兵。於金川
占古樹林內埋伏。捉獲大頭人一名。打傷二名。
又小金川土司。於八月初八九等日。聚集土兵
一千七百餘名。暗襲金川之曾巴什古地方。燒
燬大碉四座。割獻首級六顆。耳記二十六件。又

鄂克什土司於八月初八日撥兵二百名到金川德納地方攻打。互有殺傷。又於曾巴什古地方捉獲番人二名。詢知金川亦於初八九等日帶兵千餘。暗攻小金川之美卧溝牛廠。小金川土舍星夜分兵前往截殺。金川敗遁。呈獻首級十七顆。耳記十四件。俱經委員等查驗屬實。臣等復飭委員詳諭綽斯甲布及小金川等九土

司。爾等會攻金川。自圖報仇洩憤。以除後患。各宜努力進攻。並飭委員如遇郎卡遣人投稟。嚴為拒絕。且諭以郎卡孽由自作。

天朝斷不肯曲為庇護。如此駕馭。則郎卡既不敢逞強。而土司亦得以洩憤。第查番地雪霜甚早。交聞冬則積雪連山。難於攻擊。恐各土司日久懈生。郎卡轉得乘隙滋事。臣等惟有剴切曉諭。妥協

駕馭以堅其志奏入報

聞

十二月己酉阿爾泰岳鍾璜奏言據西路委員

天陣報稱綽斯甲布頭人帶兵二百潛赴金川達巴

轄羅等處擊死金川番人六十餘名又綽斯甲

布與金川連界之嘉木貝山設有土兵駐守猝

被金川四五百人圍住攻打綽斯甲布土兵合

力迎拒金川番人中鎗傷斃者三四十人又綽

斯甲布派兵百名乘夜暗赴金川之保格諾爾

殺死五人割獲耳記三件並獲刀子矛等物又據

報稱九月十一十五等日丹壩於博嚕古地方

修蓋碉座金川番衆來攻經丹壩土兵連於碉

內放鎗擊死六人丹壩隨將大碉修起以資守

禦又據報稱梭磨卓克采從噶克各土司頭人

約會潛赴金川博迪喇嘛寺。上下放鎗攻擊。打死三十餘人。又據報稱。革布什咱土兵。由正地一路攻金川之普斯智溝。夜半潛赴卡內。殺死三人。擒獲男婦八名口。又據報稱。金川及布拉克底番人。由額多山下。來到巴旺幹蘇地方。圍攻碉寨。幹蘇防兵。正與對敵。時有額勒圭防兵。望見號火奔救。并截金川歸路。而巴旺土兵。與

明正嚕密土兵。亦俱過河救援。將金川布拉克底番兵擊敗。死傷甚衆。現在土司地方。山有積雪。難以進攻。各回碉寨自守。查九土司內。惟丹壩巴旺地。小兵單。又與金川布拉克底鄰境。天氣較他處稍暖。而且地方散漫。更宜加緊防守。以免疎虞。俟至明春。復行攻勦。再前任督臣開泰題請。即卡承襲土司。換給印信。經部覆准。現

已頒發前來。臣等將印暫存司庫。統俟金川事竣另行酌辦。奏入報。臣等再請旨。

聞

餘薄以資餉。而且此式精製更宜。味藥切。金川軍單。又與金川。亦甚。職。天。雲。以。數。如。谷。回。賊。寨。自。守。查。此。土。后。內。計。其。氣。番。兵。糧。項。我。等。甚。眾。與。此。土。后。此。式。山。皆。請。即。五。營。密。土。兵。亦。身。處。可。殊。對。殊。金。川。亦。甚。請。

已頒發前來。臣等將印暫存司庫。統俟金州事竣另行酌辦。奏入報。

聞

